

# ՅՈՒՆԻՍ



Հասցի

Ռեդ. du jour „VERADZNOUTIOUN“.-Roustchouk

Ռեդ. на в. „ВЕРАДЗНУТІОНЪ“.- Русе

Բաժանորդագին՝ 10 ժր. տարեկան

## ՆՕՄՍԿ ՀԱՅԱՍՏԱՆԻՑ

Իւջ Բիլլիսի Ս. Յովնանեւ վանքի 8 Յունիս, 1904 թ.

Սխրեղի առիւնակից եղբայրներ,

Հայ յեղափոխական Հնչակեան Կուսակցութեան Եղբայրիկ և Արագածի մասնաճիւղերի վարչութեանց նախաձեռնութեամբ անցեալ յունիս ամսի 26-ին ամենայն յաջողութեամբ և քիչ անցաւ «Արմիս» խումբը: Այդ խումբի առաջնորդն ու հրամանատարը—խմբագրուր—մեր յեղ. պատմութեան մէջ քաջալուծեան ու անգիտութեան անուն հանած Սասունցի Բարկէնն է: Ուրախ ենք ամենքս, վասնզի ողորմած, վառուած, բռնկած ենք մեր տարաբար Հայրենեաց անհուն սիրոյ, անէջլ սիրոյ վառ կրակով... Ուրախ ենք և աշխոյժ հայրենասիրի ամենամարտը զգացմունքներով զինուած, վասնզի մեր հրամանատարն է այնպիսի մի հեռատես, փորձուած, խոկուն ու քաջարի անձն, որը իւր ներկայութեամբ, առաջնորդութեամբ մեզ շիջել է սալիս—առաւելլաւ է սանձ՝ մտքով փոխադրում է—հին—ին գործերը, տանում հասցնում է մեզ մինչև թ. գարը, երբ Հայաստան աշխարհի աւերածութիւնների, հալածանքների, կոտորածների ժամանակ մեր պաշտելի Հայրենիքի Սասուն գաւառի բնակիչներին մէկը—Խոյսիկի Յովնանը—գլխի անցած մի փոքրիկ բայց քաջարի խմբի պաշտպանում էր իւր Հայրենիքն ու Այգը անգույժ Արաբներից: Պարտկիւնից ու անխիղճ, անսիրտ Յոյներից...

Այժմ և մեզ, սիրելի ընկերներ, մէկ անակ Սասունցի հրամանատարի հսկայ անսքն, համակրելի և վերին աստիճանի պատկառելի, խոհուն դէմքն, կասես Սասունցիին միայն յատուկ լուրջ, վեհաձեռն բնասութիւնը, մի գլխի վարմունքը,—այս առիթով մեզ յոյս ու հաւատ է ներշնչում: Մենք գնում ենք մեր

արեան գնով Հայրենեաց. ու Դատր, բռնաբարուած մեր մարդկային—անհատական իրաւունքները պաշտպանելու... Այժմ, համոզուած ենք գնում, վասնզի սէր էր մեզ ներշնչում մեր խմբագրու Բարկէնը, պատմելով լրջութեամբ և վերին աստիճանի համաստիճամբ իւր կեանքից արկածներ, դէպքեր, խրատական ու յուսադրական գործեր... Պատմում էր իւր քաջագործութիւններին մասին, սակայն առանց գոյն տալու և չափազանցելու, պարզ իրողութիւններ, սոսկ եղբայրութիւններ՝ բոլորը անպաճոյճ կերպով... որպէսզի մեր երկար ու ձիգ ճանապարհորդութիւնը ապագայի շրջանի մեզ համար Աստուած իմ, այդ ինչ վառ հաւատ ու հայր է, որ անի այդ լեռնակունք և ո՞վ կարէ նկարագրել նրա հաւատը, հայրենասիրութիւնը, ընկերական անկեղծութիւնը: Խոստովանում եմ, ամենքս էլ զմայլուած ենք, սիրահարուած մեր աչնիւ ընկերով վրայ... և ինչ սէր, եթէ հրամայէր բոլորիս շուրն ընկնել, խեղդուել,—պոտրաստ էինք անյապաղ կատարելու նրա հրամանը՝ հաւատաւոր լինելով, որ մեր մի մազըն անգամ չի թողնիլ ի զուր տեղը կորչելու... ա՛յնքան սիրում ենք նրան, նրա մաքուր, աչնիւ հոգուն մատաղ լինենք հա՛...:

Մենք սրտատրոփ սպասում էինք թէ՛ ահա՛, ահա՛ կանցնենք սահմանը անվտանգ և անմիջապէս՝ հրամանատարի կարգադրութեամբ՝ մեր թոյլ մեքով պաշտպան կը հանդիսանանք մեր Հայրենիքին հաւատարիմ մնացած մեր քոյրերին ու եղբայրներին... նրա հրամանատարութեան տակ մենք ևս կ'ապացուցանենք հարեաւոր անգամներ ապացուցուած Հնչակեան փաստաւորս: Դրոշի յաղթանակն կը սարգենք հայրենի հողի վրայ Այւստրիան Դրոշակը և արար—աշխարհին յոյց կրանք թէ Հնչակը նորից հընչիցրեց իւր Հայրենիքում իւր ահեղ փողը.—մա՛հ ոտխիւն և վրիժառուութիւն մեր ապօրէն տէրերից...:

Օ՛, ինչպիսի՜ ողորմութիւն է նկատվում մեր մէջ, ինչպիսի՜ խորհրդաւոր բողոքներ, ժամեր անցուցինք մինչև սահմանը անցնելը. ինչպիսի՜ շէն գալիս շարան—շարան անցնում մեր հոգու աշայ առջևով... Մի տեղ գալանաբարոյ քերթերը անխնայ կոտորում են, բնաջինջ են անում մեր եղբայրներին ու քոյրերին. մոխիրէ կոյտիք են դարձնում երէկուայ շէն հայաբնակ գիւղերն. այրում, ոչնչացնում են տուն—տեղ. անմեղ երախաներին մորթում կամ ողջ—ողջ զցում բորբոքուած կրակի մէջ... բռնաբարում, լլկում մեծին ու փոքրին... Մի ուրիշ տեղ նշխարի նման մորթում են մանկանք, կաշին մաշկում և միսը ուտացնում—վա՛յ ինձ—վշտահար ծնողներին... Ապա յղի մօր փորը գաշտնով պատուում, պտուղը միջից հանում և շներին առաջը դրցում... Պատկերացնում էինք մեր աչքերին մեր տեսած ու լըսած զարհուրելի տեսարանները և՛ սոսկում, քստմնում, ամբողջ մարմնով դողում... զայրանում, կատաղում՝ դէպի Աստուծոյ այդ մարդ—գազան արարածները—Ղուրանի վայրենաբարոյ զաւակները...:

Վերև ասացի ձեզ, սիրելի ընկերներ, թէ մենք յաջողութեամբ անցանք սահմանը: Ուրեմն այժմ՝ գտնվում ենք մեր հայրենի հողի վրայ, Հայաստան աշխարհում... Այն, ո՞վ կարէ նկարագրել, երա՛բ, դարերի ընթացքում օտարներից կրած քո (Հայրենիքի) բիւր—բիւր վերքերը, քեզ պատճառած անթիւ ու անհամար ցաւերը, դարդերը... քո սրտի վրայ կուտակուած բիւրաւոր խոցերը... Սակայն ոչ ինչ. ո՞վ պաշտելիք իմ Հայրենիք, կուգանք մենք գործով արտայայտելու քեզ՝ իբրև գթօտ ու որդեաէր մօր՝ մեր որդիական անհուն սէրն ու համակրութիւնը. մենք ո՛չ մի բանով, աշխարհային ո՛չ մի մեծագին խոստովանող շլանալով քեզ չենք փոխարինի մի ուրիշով—խո՛ք ժայրով... Ուրեմն ընկնում ենք գիւղից, ընդունի՛ր մեզ և պաշտպանի՛ր այն

տեղ յափշտակիչ թշնամիներէ, խորթ մայրերից ու հայրերից, որոնք կամենում են խլել մեզ քո գրկից և բարոյապէս ու ֆիզիքապէս մեռցնել մեզ...:

Վառվում ու խորովում է զգայուն սրտի տէր, անկեղծ հայրենասիրի սիրտն ու հոգին, երբ ոտք է գնում հայրենի հողի վերայ: Եւ այն ժամանակ կատաղութեան, արդար զայրոյթի, վրէժխնդրութեան զգացմունքով լեցվում է նրա սիրտը. պահ մի խոնարհվում է, ընկճվում է այդ գա՛ռն մտածմունքների տակ, կուշ է գալիս, անմեղ ու անպաշտպան մանկան պէս յուսահատութեան արցունք է ցլալանում իւր աչքերից, անիծում այս անգույժ, գազան աշխարհը, ուր ազգերը, ցեղերը օր ու գիշեր՝ ամեն ջանք ու ճիգ են թափում՝ լափել կըլանել, իւրացնել, ձուլել իրենց հետ խեղճ ու անաէր, յետ մնացած ազգերը... Քրիստոնեայ եւրոպան մարդասիրաբար թոյլ է տալիս գազան Համիտ Սուլթանին պարբերաբար բնաջինջ անելու իւր հայրենի հողի վրայ, ապրող մի բուռն խաղաղասէր, տիրառէր, հաւատարիմ, իւր հալալ աշխատանքով ապրող Հայ ազգը: Ես—ինձ հետ նա՛ և գուցէ իմ ընկերները,—այդ մտքերի մէջ թաղուած էի, մտքերի ուղիւնու սի մէջ էի ընկել և էլ չէի կարողանում դուրս գալ միջից: Ինչպիսի էին անցնում մեր խմբագրութի սրտով: Անշուշտ նա պատկերացնում էր իւր աչքերին ահռելի տեսարաններ, դէպքեր, անցքեր՝ իւր աչքերով իսկ հայրենի հողի վրայ տեսած... Զէ՛ որ 1894—1895 թթ. նա մինն էր այն քաջ հայ զինուորներից, որոնք կուռում էին Զէքի փաշայի անթիւ զօրաց և քերթ ցեղապետների, բաշխողունքի դէմ. սակայն ինչ—ինչ յարգելի պատճառներով նա անցաւ Խուսիս ժամանակաւարտապէս (մեր բոլոր գաղթականները այդ մտքով էին եկած Խուսիս—Կովկաս, բայց աւա՛ղ, պազան Դալիցիների ծրագրով ընդ միշտ դատապարտուցան այդ երկրում մնալու...):

Հիւրասիրութիւն ու պաշտպանու

թիւն գտնելու այդ քրիստոնեայ երկրում... Իսկ այսօր զղջալով, յուսախաբուած՝ երջանիկ է զգում իրեն, որ բազմաթիւ ժպտած իրեն՝ նորից դառնում է Հայրենիք... Հայրենեաց սէրը գէպի ինքն է քաջում նրան, և նա գնում է անհուսաբար իրեն, երջանկութեան ժպտը երեւին... սլանում է իւր Պարծիւ խմբով գէպի իւր սիրո՞ւն, աննման Հայրենիքը՝ պաշտպանելու իւր տանջը ու արիւնակիցներին:

ՊԱՏՄԱՆ Ի ՄԵՆՔ, — արտասանեց Բարեկէնը նայելով գէպի անհուն տարածութեանը, — մենք և՛ ս ձեզ հետ ենք... զայիս ենք օգնութեան... արիւնքը ուրեմն, սիրտու հոգի առէք, գուք մինակ չէք, ո՞վ եղբայրներս ու տանջուած, անարդուած, լիկուած ու անպատուած քոյրերս... Գալիս ենք գարձե՛ալ ձեզ հետ ապրելու, ձեզ հետ տանջուելու, ձեզ հետ ի սէր մեր պաշտելու Հայրենեաց ու բազմաշարժար Ազգի մեռնելու ու պատկելու մեր նախնիքների, պապերի, հայրերի ու մայրերի սուրբ հոգակոյտերի, գերեզմանների քովը... Պաշտելի՛ց իմ՝ Հայրենիք, ուխտե՛լ ենք օտար երկնակամարի տակ մինչև մեք արեան վերջին կաթիլը պաշտպանել քեզ և քո պապները ընդդէմ պապաններին... Սիրո՞ւն երկիր, հոգիդ, անուշահամ, անմահական շրերիդ, սար ու ձորիդ, կարկաչուն աղբիւրներիդ ու վտակներիդ ես զուրբան... Մենք չենք զատուել մեր գրախտանման Հայրենիքից, կը գրկենք, ամուր կը գրկենք ու կը պաշտենք քեզ... արեան գնով... թէև այլևս գու չունիս պաշտպան հայ բանակներ, բայց դրանց փոխարէն դու մայրական սէր ներշնչեցիր քո բոլոր պապներին սրտերում — և ահա՛ մենք նորից վերադառնում ենք քո ծոցը՝ պաշտպանելու մեր կեանքի գնով քեզ... »

Մենք ահագին ճամբայ էինք կտրել մինչև Մոսկու — սարը հասնելը... Ողևորուած էինք հայրենեաց սիրոյ բոցերով: Թէև շատ յոգնած էինք և արժէք որ իջնէինք այդ տեղ մի փոքր հանգըստանալու, սակայն խմբապետի վերոյիշեալ սրտակտուր խօսքերն այնքան մեզ ողևորեցին, որ մենք մի հրամանի, մի ակնարկի կը սպասէինք Բարեկէնի կողմից՝ նետուելու պատերազմի գաշտը և ամեն հանդիպող թշնամու հետ մինչև վերջ կուտելու:

Յունիսի 28ն էր, առաւօտեան ժամը 7-ը: Մի թեթեւ նախաճաշ արինք կանաչ խոտերի, հուտաւէտ, գոյնզգոյն ծաղիկների մէջ թաղուած: Մեր նախաճաշին երգում էր նուագաձուներ մի ահագին խումբ, — այդ Հայաստան աշխարհի սիրուն, գոյնզգոյն թուշուներն էին, ըստ երեւոյթին ուրախակից մեզ, որ

Հայրենիք էինք վերադարձել օտարութիւնից: Այո՛, նրանք այդ առաւօտը սովորականից աւելի ողևորուած էին երգում վաղ առաւօտուանից, դեռ նոր արշալոյսը բացուած՝ նրանք — բնութեան այդ անմեղ արարածները — ուստի տեղի՛ գեղեցիկ, դաշտային հոտաւէտ խոտերի, ծաղիկների մէջ, իրենց դայալայիկներով, իրենց անուշ, գոզողիկ մեղեդիներով, ճաւղուներով վշտահազար մարդու սիրտն ու հոգին են մխրթարում, սփռում և կապում այդ երկրի հետ... Սէ՛ր են զարթոնում գէպի բրնձիկները, վասն զի այդ անմեղ թռչունները գեղեցիկ բնութեան սիրահարներ են... Կու էլ ես ուղում խառնել քո խոպոտ, անգրկական, անշնորհ ձայնը, երգը նրանց ձայնների, սքանչելի, դիւթիլ մեղեդիների հետ... Նրանք զմայլած, սիրահարուած իրենց բնակավայրի հրաշալիքներով՝ երգում են ազատ, համարձակ — այն ժամանակ դու էլ գրկում ես ա՛յն հոգը, ուր ծնուել, մեծացել ես գու: Մ՞ի չէ լսել ձեզանից Հայաստանի ոտնակի զմայլեցուցիչ, մեղամազձոտ, կրակոտ երգը, ձայնը... Նրա երգերը բոլորովին տարբերվում են օտար երկրեայ սոխակների երգերից: Մեր երկրի սոխակը կասես մեզ հետ սղբում է երգի միջոցով Հայաստան աշխարհի փառաւոր անցեալը... Պատում է գոգոջուն ձեւով ու ելեկշներով՝ մերթզեր, ողևորուած, բարձր ձայնով և մերթ մեղմ, յուսահատական սձով ու ձայնով... Կասես նա պատմում է քեզ իւր Հայրենիքում տեղի ունեցած և ներկայիս էլ տեղի ունեցող բոլոր անցքերը, տխուր և ուրախ օրերը Հայրենեաց... կասես որդիական սէ՛ր է քարոզում՝ քեզ գէպի քո Հայրենիքը — Մայր — Հայաստան... »

Ճիշտ այն պահուն, երբ մենք մի փոքր հանգիստ առած, կազդուրուած, նախաճաշիկ անելուց, ամեն բան կարգի բերելուց յետոյ՝ անհամբեր ոպասում էինք խմբապետի բարեհաճ տնօրինութեանը — շարժուե՛լ, շարունակե՛լ մեր ճանապարհը թէ ս՛չ, յանկարծ՝ նա — որ այդ պահուն մեզանից ո՛չ հեռու կանգնած՝ հեռագրտակով գիտում էր, ուստի մասիրում էր շրջակայքը — հրամայեց պատրաստ կենալ, որովհետև թշնամին մօտենում է մեզ... Օրհասական գրով թիւն ստեղծուեց մեզ համար... Մի քանի րոպէս մենք արդէն կազմու պատրաստ էինք ճշտութեամբ կատարելու Բարեկէն խմբապետի բոլոր հրամանները: Պահպանվում էր կատարելով դիւցախը (կարգապահութիւն)... Բոպէ առ բոպէ սպասում էինք անարդ ուսին, մէկ էլ նկատեցինք հեռուից մեզ ձօտ շնորհ բերող հազարաւոր քիւրդեր, աշխրեթներ:

— Տղա՛ք, ձեզ տեսնեմ, գոչեց մեր քաջարի խմբապետը, մեր սրբազան Դրօշին չը դաւաճանենք, նրա պայտը, ինչպէս անցեալում, այժմ և՛ ս բարձր պահենք... Չը սարսափինք թըշնամու շատութիւնից... տեսած եմ, ըսի ձեզի, այդպիսի մեծ քանակութեամբ զօրքեր, որոնք բնաջինջ կամ ցիր ու ցան եղած են Սասնոյ մի բուռն ժողովրդի, կուղ ոյժի առջև... Ընդմեջ չը մոռնանք որ այժը քանակութեան մէջ չէ՛, այլ որակի. հեռու, հեռու ուրեմն մեղանից վախկոտութիւնն ու թուլամորթութիւնը... Արիւնանք Հայրենեաց սիրով, սիրտ սրտի և ձեռք ձեռքի տուած, մի հոգի և մի սիրտ դառած՝ ընդ առաջ դուրս գանք թշնամու, տեսնենք ի՛նչ է նրա պահանջը, որ հատուցանենք նրան ըստ արժանւոյն... »

Կուում էինք անդադար թըշնամու դէմ չորս կողմից: Բարեկէնի ներկայութիւնը, նրա քաջագործութիւնները գէպի հերոսական յաղթանակն էր տանում մեզ — և մենք հինգ — վեց ժամուայ ընթացքում գետին փռեցինք թշնամուց նախընթաց քիւրդեր... Նկատեցինք որ թըշնամին արագ — արագ յետ է նահանջում, թողնելով պատերազմի վայրում բաւական զէնքեր հանդերձ կոտորուածներով: Իսկ մեր կողմից՝ անմատչելի գիրքի շընորհքով այդ օրը մի կորուստ չունեցանք: Վրայ հասաւ գիշերը, մի մուկ գիշեր, որ մեզ պիտի նպաստէր սպանուած քիւրդերի զէնքերից մեծ մասը վերցնելու և հեռանալու գէպի նպատակով: Արշալոյսը դեռ նոր էր բացուել առաւօտուայ զով ու առողջարար օգը օրօրվում էր մեզմ կերպով. խոտերի ու երկնեային ծաղիկների վրայ նստել էր ցօղը... Սքանչելի՛ տեսարան, գեղեցիկ բնութիւն. զմայլելի՛ առաւօտ... Սակայն մենք ազատ չէինք մեր բնակավայրում վախելու բնութեան բարիքը, այլ սրբազան պարտականութիւններ ունէինք կատարելու մի շարք: Ուստի անմիջապէս պատրաստուեցանք և յանկարծա՛յն յարձակում գործեցինք կէս վերստ հեռուութեան վրայ գտնուած թըքական զօրանոցի և մթերանոցի վրայ: Կուում միջոցին զինուորներից սպանուեցան 60 հոգի, որից յետոյ մթերանոցի զէնքերը գրաւելով՝ անզակաւ Հայ երիտասարդներին զինեցինք և ստուարացրինք մեր խումբը: Խլցելինք 7 հատ օսմանեան լինգանթներ և ոչնչացրինք տեղն ու տեղը, վասն զի հնարաւորութիւն չկար մեզ հետ սարը բարձրացնելու. իսկ մենք պէտք է շուտով մի ապանուելու համար: Մենք բարձրացանք նորից նպատակով և գիրքերը գրաւեցինք:

Յունիսի 29-ին, առաւօտեան, թշնամին մեզ նորից պաշարեց: Կրկին սկսուեց ահեղ պատերազմը: Եւ ահա՛ այդ կուռի մէջ մերայինք գործեցին այնպիսի քաջագործութիւններ, որոնց նմանը տակաւին չէր ունեցած մեր յեղափոխական պատմութիւնը մինչև այդ օրը: Անվերջ կուում էր կորուել Բարեկէնը և իւր օրինակով խրախուսում իւր ընկերներին: Թշնամին զարհուրեց, սարսափեց, երբ տարափի նման տեղում էին նրանց գլխին շիկացած բազմաթիւ գնտակներ ու ուռմբեր, որոնք պայթելով հարուարու մարդիկ էին փռում սարի լանջերին ու տափարակ տեղում... Մեր գրօշակը խմբակէնը ամրացնելով ս. Յովհաննու աւերակ վանքի գլխին՝ թշնամին մոլորեցնելու ու շփոթեցնելու համար՝ իւր քաջ խումբը սարաւ գէպի Սև — սարը... Այդ ահեղ պատերազմի մէջ մեր խմբից կորցրինք ընդամենը յոսս հոգի... »

Մեր վերոյիշեալ Արծիւ խումբը, որ այժմ բազկացած է 90 հոգուց, Սև լեռան վրայ կանոնաւոր թիւրք և քիւրդ աշխրեթների բազմաթիւ զօրաց հետ կըռուելով այդ սարի տակ և լանջերին գետին փռեց աւելի քան 1000 հոգի, ուր սպանուեցան և մեր ձեռքով մի քանի անուանի արիւնարու քիւրդ շէյխեր ու ցեղապետներ: Մեր խումբը անվնաս է և այժմ ունի բաւականաչափ ուտելու պաշար և օգնամամթերք ու անհամբեր սպասում է ուրիշ խմբերի օգնութեան, որպէսզի յաջողութեամբ առաջ խաղայ:

Յունիսի 5. — Արծիւ խմբի փառաւոր յաղթութիւնից յետոյ, այսինքն նրեմ մեծ ընդհարումների ժամանակ, որոնք տեղի ունեցան Մոզկա լեռան, նպատակաւ և Սև սարի շուրջը, վայրենաբարոյ թիւրքերն ու քիւրդերը յարձակուեցան Իւջ-Բիլիսէի (Ալաշկերտի գաւառում) շրջակայքում գտնուած 5 հայաբնակ Գիւլբրի վրայ և մեծից սկսած մինչև օրօրոցի անմեղ մանուկը սրի անցուցին... այրեցին, մոխրէ կոյտեր դարձրին գիւղերն... »

Անհամբեր սպասվում է պետութեանց Մուշում գտնուող հիւպատոսների գալուն: Մանրամասնութիւնները կը հաղորդեմ միւս նամակովս:

Առ այժմ՝ ասեմ ձեզ ց՛տեւսութիւն և շտապեմ մի կերպ նամակս ձեզ յղելու:

Ձեր օգնութեանն ու խրախուսանքին կը սպասենք անհամբեր:

Ձեր արիւնակից եղբայր՝ Հմույեակ Դիւսախան

Отговорникъ: Степанъ Г. Степанянъ  
Тѣрг. печат. и лит. Меркуръ — Русе.







